

Raporti i Monitorimit të gjycomeve administrative maj - dhjetor 2015

TË DHËNA MBI PROJEKTIN:

Hartimi i një formulari online përshtatur për kontekstin shqiptar të gjycomeve administrative nga stafi i projektit, bazuar në Manualin e Monitorimit të Drejtësisë Administrative të ODIHR & FBA

7 vëzhgues nga shoqëria civile të trajnuar nga Prezenca e OSBE-së në Shqipëri mbi metodologjinë e monitorimit të drejtësisë administrative, bazuar në Manualin e Monitorimit të ODIHR & FBA

6 muaj monitorim të gjashtë gjykatave administrative të shkallës së parë në Tiranë, Durrës, Gjirokastrë, Korçë, Shkodër dhe Vlorë, si dhe të Gjykatës së Apelit Administrativ Tiranë

159 çështje dhe 378 seanca gjyqësore të monitoruara

138 vendime në gjykata të shkallës së parë administrative

REKOMANDIME

Duhet të rishikohet mbulimi gjeografik i secilës gjykate të shkallës së parë.

Duhet të hartohet një rregullore që të gjitha gjykatat administrative të përdorin një kalendar javor të standardizuar.

Të gjitha gjykatat administrative duhet të kenë faqen e tyre të internetit ose një të përbashkët, ku të jepet informacion i përditësuar dhe i aksesueshëm, përfshirë kalendarin javor të gjykatës.

Të gjitha gjykatat administrative duhet të caktojnë një hapësirë për sportelet e informimit.

Të shihet mundësia për të pasur më shumë salla gjyqi në secilën nga gjykatat e shkallës së parë.

Në të gjitha sallat e gjyqit ku nuk ka akses për personat me aftësi të kufizuara duhet të bëhen përmirësime.

Duhet të bëhet përpjekje që të mbahen sa më shumë seanca në sallat e gjyqit, në mënyrë që ato të regjistrohen audio.

Duhet të përmirësohet bashkëpunimi me Shkollën e Magjistraturës për t'u siguruar që seancat të mos planifikohen në datat kur gjyqtarët janë në trajnim.

Gjyqtarët duhet të ndërtojnë një dialog me dhomat vendore të avokatisë për të inkurajuar pjesëmarrjen e avokatëve në seancat gjyqësore.

Nëse Gjykata Administrative e Apelit do të vazhdojë të funksionojë si gjykata e vetme

REKOMANDIME

administrative për të gjithë vendin, numri i personelit të gjykatës, përfshirë gjyqtarët, ndihmësit ligjorë dhe personelin mbështetës të rritet.

Të merret në konsideratë realizimi i transferimit elektronik të dosjeve.

Gjyqtarët duhet t'i ndërgjegjësojnë palët në gjykim se do të vendosin masa ndëshkuese ndaj atyre që nuk i zbatojnë kërkesat e gjykatës në afatin e caktuar.

Gjyqtarët shkurtimisht duhet të paraqesin historikun procedural në fillim të çdo seance gjyqësore që nuk është seancë paraprake.

Ligji për gjykatat administrative duhet të ketë një referim tek Ligji për ndihmën juridike (falas) dhe të parashikojë se gjyqtarët duhet të informojnë palët që mund të mund të plotësojnë kushtet për ndihmë juridike falas.

Gjykatat administrative të shkallës së parë duhet të pajisen me aparaturat e përshtatshme që mundësojnë caktimin elektronik të çështjeve tek gjyqtarët.

Në kohën e përgatitjes së propozimeve për buxhetin e vitit të ardhshëm kalendarik, gjykatat administrative duhet të kërkojnë që t'ju garantohen burime të mjaftueshme financiare për të eliminuar shkaqet që shkaktojnë vonesa, sikundër janë mungesa e personelit të gjykatës apo e pajisjeve.